

Lu Souvenir du Chapuis

Air : C'est on' affaire !

1^{me} COUPLET.

L'aut jou qu l'musique m'attirève
Duvins les rowes avau Vervi
Ju veia qu'ô r'lèvéve
On Martyr du lès neurs moussis
Lu song m'pottchive divin les vònes
Pu veï ces neurs fénayants
Qui passè qco d'lé zells sins pònes
Qu'in' sotis pindous po meye ans.

REFRAIN

Ju n'mu pou taire, c'est on' affaire
Ju n'mu pou taire qwand j'veu çoula
Ju n'mu pou taire, c'est on' affaire
Ju n'mu pou taire qwand j'veu çoula
Ju so mauva.

2^{me} COUPLET.

Ces neurs à biesses ju v'sel pou dire
C'est bin des autes qui des critchons
On z'saureu compter les martyrs
Qu'on fait avou l'inquisition
Est s'ti possipp don qu'on rouveye
Çou qu'nos vix pères èn' ont veyou
Faurent è co r'veyi l'z'ekneyes
Est les pèlons du plomb fondou. (REFRAIN)

3^{me} COUPLET.

Si on passév turtot l'histoère
Dè song qu'el z'y a plaqué les mains
On n'areut on r'gret dusqu'à l'mwère
Dè l'zy aveur fait grôce tant d'timps
Et po l'jou douye duso leu masses
Y volet esse des autès gins
Si poli drovi leu besace
On z'aureut èco l'diale au reins. (REFRAIN)

4^{me} COUPLET.

On l'z'y fait one corane so l'tiesse
Avou l'pwèson dè vert du gris
Et on l'zy confeye lu jònesse
C'est zells qui d've drovi l'z'esprits
C'est s't'on grand mâlheur po nos autes
Qu ces traites-là on l'dreut d'tenté
Et s'fé adoré comme apoutes
To fant rouvi l'dreut dè viqué. (REFRAIN)

5^{me} COUPLET.

Y viquet tot d'vin l'abondance
Y ori bin turto treus mintons
Et l'ovri qui s'trouve è l'soffrance
El s'y va co d'mandé pardon
Si fait veï qu'a dè cour po r'zells
Les mains jodawes ell' vont veyi
Et si trovè qui l'femme est belle
Y fè s'topèrè l'Saint-Esprit. (REFRAIN)

6^{me} COUPLET.

Ju n'mu pou nin fé onn' idèe
K'òie ko des ovris si bambous
Du n'nin veyi leu comèdèyes
Du n'nin veyi leu coupèrous
Ces ovris là n'ont nou corètche
C'est dè gins k'lè loumrottes minet
Et qwand y sont d'vin leu manètches
Si tonne on còp bin y tròlet. (REFRAIN)

7^{me} COUPLET.

T'chanté m'pasqueye en face du zells
Et si volet co barboté
Dumandez l'z'y si l'nè nin belle
Et si elle nu dit nin l'vèrité
Si n'vèyet nin k'sè leu bonheur
Si n'vèyet nin k'sè l'bonne raison
Y n'ont qu'à v'ni trovè l'auteur
Y l'z'i explikrèt l'affaire à fond.

REFRAIN.

Ka po l'jou douye
Drové vos ouyes
Et vo veuré qu d'zo l'solo
Ces vindeux d'mintes
Sins nol patinte
Et n'è vont tot cou d'zeur cou d'zo
C'est dè maguots.

G. L.

Reproduction interdite.

Propriété du Cercle l'Athéisme,